



Fidoyilik —
vatanga xizmat demak!

2022-yil 9-aprel, shanba,
41 (23.608)-son

КУН
ҲИКМАТИ

Ҳамма
билганимизни
кўришимиз
мумкин, аммо
ҳамма
кўрганимизни
билвермаймиз

1913-yil aprel oyidan chiqa boshlagan



www.zarnews.uz https://www.facebook.com/zarnews.uz @zarnews_uz https://twitter.com/zarnews_uz

ҲАР БИР МАСАЛА ПИШИҚ ВА АНИҚ БЎЛИШИ КЕРАК

8 апрель куни халқ депутатлари вилоят Кенгашининг олтинчи биринчи сессияси бўлиб ўтди. Сессияни Кенгаш раиси, вилоят ҳокими Э.Турдимов бошқарди.

Дастлаб, бир қатор масалалар бўйича Кенгаш қарорлари қабул қилинди. Жумладан, халқ депутатлари вилоят Кенгашининг депутатлари ўрни бўшба қолган 29-Қорадарё ва 41-Медали сайлов округларида 2022 йил 29 май куни сайлов ўтказилиши белгиланди.

Шунингдек, давлат ва жамоат эҳтиёжлари учун ер участкаларини олиб қўйиш бўйича тақдиротни кўриб чиқиш ва тасдиқлаш, вилоят ҳудудидида чегара зонаси ва чегара минтақасини тасдиқлаш, вилоят маҳаллий бюджетининг қўшимча манбаларидан фойдаланиш, вилоят "Саховат ва кўмак" жамғармаси маблағларидан фойдаланиш тўғрисидаги масалалар юзасидан тегишли қарорлар қабул қилинди.

Вилоят маҳаллий бюджетининг 2022 йил I чорак даромадлар режасининг ошириб бажарилган қисми ҳисобидан, жумладан, Самарқанд давлат университетининг Каттақўрғон филиали фаолиятини самарали ташкил этиш мақсадида жалб этилган малакали профессор-ўқитувчиларни хизмат уйлари билан таъминлаш учун 1004,2 миллион сўм, ҳоким ёрдамчисининг ташаббуси билан Каттақўрғон шаҳридаги Ноқис маҳалласида кутубхона ташкил қилиш учун 50 миллион сўм, Самарқанд шаҳар марказининг ички кўчаларини таъмирлаш мақсадида зарур бўлган майда зарралар асфальт қопламаси қилиш учун 2 миллиард сўм маблағ ажратилган бўлди.

Шундан сўнг, вилоят ҳокимининг ўринбосари О.Хочилев ёшларга оид давлат сиёсатининг вилоятда амалга оширилишини рейтинг баҳолашнинг натижалари тўғрисида ҳисобот берди.

Олий Мажлис Сенатининг 2021 йил 31 июлдаги қарори билан ёшларга оид давлат сиёсатининг ҳудудларда амалга оширилиши бўйича рейтинг тизими жорий этилган. Унда ёшларнинг ҳуқуқий онги ва ҳуқуқий маданияти даражасини юксалтириш, ёшлар соғлигини сақлаш, ногиронлиги бўлган, ота-она қарамоғидан маҳрум ва етим болаларни ижтимоий ҳимоя қилиш каби 9 йўналишда 44 та банддан иборат устувор вазифалар белгиланган. Ушбу вазифалар ижроси тегишли бошқармалар, шаҳар ва туман ҳокимликлари томонидан таъминлаб келинаётгани таъкидланди. Шу билан бирга, айрим муаммо ва камчиликларга йўл қўйилгани кайд этилиб, уларни бартараф этиш чоралари белгиланди.

Кун тартибидидаги навбатдаги масала – вилоятда хизматлар соҳасини

ривожлантириш бўйича амалга оширилаётган ишлар тўғрисида иқтисодий тараққиёт ва камбағалликни қисқартириш бош бошқармаси бошлиғи биринчи ўринбосари Д.Шакарбоевнинг ҳисоботи эшитилди.

Ҳисоботда келтирилишича, жорий йилда вилоятда хизматлар соҳасини ривожлантириш мақсадида 12,6 триллион сўмлик 8,3 мингдан ортиқ йирик ва кичик лойиҳаларни амалга ошириш ва 214 мингдан ортиқ иш ўрни яратиш кўзда тутилган. Амалга оширилаётган ишлар натижасида жорий йилнинг биринчи чорагида жами хизматлар ҳажми 5,3 триллион сўмни ташкил этиши кутилмоқда. Мазкур соҳада 47,6 минг нафар фуқаронинг бандлиги таъминланиб, бу борада белгиланган режа 110 фоизга бажарилди. Жумладан, маҳаллаларда 21 турдаги ва туманларда 71 турдаги энг зарурий хизматлар бўйича 2835 та шохобча ташкил этилди.

Аммо айрим ҳудудларда хизматлар соҳасини ривожлантириш, мазкур тармоқда аҳоли бандлигини таъминлашга етарли даражада эътибор қаратилмаётгани кайд этилди.

Масалан, савдо ва хизмат кўрсатиш объектларини ташкил этиш мақсадида 2020-2021 йилларда вилоят бўйича умумий майдони 12,5 гектар бўлган 1336 та ер участкаси аукцион савдолирида тадбиркорларга сотилган. Афсуски, ўрганиш жараёнида 112 та ер участкасида (4,7 гектар) бугунги кунга қадар қурилиш ишлари бошланмаган. Жумладан, Пайариқда 50 та, Паст Даргомда 20 та, Самарқанд шаҳрида 14 та, Самарқанд туманида 13 та ер участкасида лойиҳа бўйича ишларга киришилмаган.

Ҳисобот муҳокамаси давомида депутатлар ва мутасаддилар йўл қўйилган камчиликларни бартараф этиш, лойиҳаларни фойдаланишга топшириш орқали белгиланган кўрсаткичларга эришиш юзасидан ўз фикрларини билдирди.

Депутатлар вилоят ҳокимлиги ижро-назорати гуруҳи раҳбари З.Раҳимовнинг Ўзбекистон Республикаси Президентининг 2021 йил 10 февралдаги "Қонунчилик ҳужжатлари ижросини самарали ташкил этишда давлат бошқаруви органлари ва маҳаллий ижро этувчи ҳокимият органлари раҳбарларининг шахсий жавобгарлигини кучайтиришга доир қўшимча чора-тадбирлар тўғрисида"ги фармони ижроси юзасидан ҳисоботини эшитдилар.

– Президентимизнинг қарор ва фармонлари ҳамда таширлари давомида

берган топшириқлари ижросини таъминлаш мақсадида Ijro.gov.uz тизими орқали вилоятимизга 1014 та ҳужжат асосида 7614 та топшириқ келиб тушган, – деди З.Раҳимов. – Бугунги кунда аксарият топшириқлар ижроси таъминланган. Аммо айримлари ўз вақтида ижрога қаратилмаган. Мисол учун, давлатимиз раҳбарининг 2021 йил 11 майдаги қарори билан Булунгур туманидаги "Юқори нуқта" ИПХ ҳамда Ургут туманидаги "Омонқўтон" ИПХ стационар постларидан 22,0 минг метр квадрат ер майдонини тадбиркорлик субъектларига ажратиб бериш топшириғи мазкур туманлар ҳокимларининг инвестиция бўйича ўринбосарлари томонидан ҳалигача бажарилмаган. Президентимизнинг 2021 йил 19 майдаги ПҚ-5117-сонли қарори билан хорижий тилларни ўрганишни оммалаштириш фаолиятини сифат жиҳатидан янги босқичга олиб чиқиш чора-тадбирлари асосида халқ таълими тизимидаги 55 нафар ўқитувчига замонавий адабиёт, дарслик ва ўқув қўлланмалар сотиб олиши учун белгиланган 1 миллион сўмдан пул маблағлари вилоят халқ таълими бошқармаси томонидан тўлаб берилмаган.

Муҳокама чоғида топшириқларни ўз вақтида бажармаган масъуллар оғохлантирилиши ва кейинги сессияларда ушбу масала тегишли мутасаддилар иштирокида яна кўриб чиқилиши белгиланди.

Кун тартибидидаги навбатдаги масала – Нарпай тумани ҳокими вазифасини бажарувчи Ш.Раҳмонов ва сектор раҳбарларининг тумани ижтимоий-иқтисодий ривожлантириш даражасини баҳолашнинг рейтинг кўрсаткичларига кўра туман ижтимоий-иқтисодий ривожланиш ҳолатини яхшилаш юзасидан амалий чора-тадбирлар дастурининг ижроси тўғрисидаги ҳисоботи айрим сектор раҳбарлари йўқлиги сабабли кейинги сессияларда кўриладиган бўлди.

Тойлоқ туманида маҳаллабай ишлаш ва маҳаллалардаги ҳоким ёрдамчилари фаолиятини ташкил этиш бўйича амалга оширилган ишлар юзасидан туман маҳаллабай ишлаш ва тадбиркорликни ривожлантириш маркази раҳбари Ж.Турсуновнинг ҳисоботи ҳам депутатларни қониқтирмади. Марказларнинг ҳоким ёрдамчилари ишини тизимли ташкил этиш олмаётгани, айрим ёрдамчилар фаолиятида жиддий хато ва нуқсонларга йўл қўйилаётгани кайд этилди. Шу сабабли, барча туман ва шаҳар маҳаллабай ишлаш ва тадбиркорликни ривожлантириш марказлари ходимлари билан семинарлар ўтказиш зарурлиги таъкидланди.

Сессияда муҳокама этилган барча масалалар юзасидан Кенгашнинг қарорлари қабул қилинди.



"Yosh kitobxon" tanloving 15-19 yosh toifasi bo'yicha respublika bosqichi g'oliblari aniqlandi. Unda Bulung'ur tumanidagi 49-umumiy o'rta ta'lim maktabining 10-sinf o'quvchisi Marjona Tursunmurodova uchinchi o'rinni qo'lga kiritdi va 30 million so'm pul mukofoti bilan taqdirlandi.

➤ Президент қарорига кўра...

1
ФОИЗ

МАБЛАҒ ПЕНСИОНЕР ҲИСОБИДАН ОЛИНМАЙДИ

Ўзбекистон Республикаси Президентининг 2022 йил 7 апрелда имзоланган "Давлат пенсиялари, нафақалар, компенсациялар ва бошқа ижтимоий тўловларни тўлаш тизимини янада такомиллаштиришга доир қўшимча чора-тадбирлар тўғрисида"ги қарорига кўра, 2022 йил 1 майдан бошлаб: "Темир дафтар", "Ёшлар дафтари" ва "Аёллар дафтари"га киритилган фуқароларга ва оилаларга тегишли жамғармалар маблағлари ҳисобидан кўрсатиладиган моддий ёрдамлар, меҳнат органлари томонидан тўланадиган ишсизлик нафақаси ва стипендиялар ҳамда жазони ўтаб озоликка чиққан фуқароларга тўланадиган

моддий ёрдам пуллари ҳар ойнинг 5-санасига қадар молиялаштирилади ҳамда пенсия ва нафақалар билан бир вақтда АТ "Халқ банки"нинг сайёр кассалари томонидан маҳаллаларга етказилади.

АТ "Халқ банки"нинг сайёр кассалари томонидан пенсия ва нафақалар ҳамда моддий ёрдам пуллари фуқароларга нақд пулда етказиб бериш хизматлари учун 1 фоиз миқдордаги хизмат ҳақи пенсия ва нафақа олувчилар томонидан эмас, давлат бюджети ҳисобидан тўланади.

Пенсия ва нафақани банк картаси орқали олувчиларга ҳар ойлик пенсия ва нафақа пулининг 1 фоизи миқдоридида қўшимча тўлов жорий

қилинади.

Бу орқали улар банккоматдан пуллари йўқотишларсиз нақдлаштириб олиши мумкин бўлади.

Халқ банкининг сайёр кассалари маҳаллаларга бориб, хоҳловчиларнинг пуллари нақдлаштириб беради.

Хориждан 1800 та банккомат олиб келиниб, асосан олис туманларда ўрнатилди.

Пенсия ва нафақа олувчиларга янада қулайлик яратиш мақсадида 2022 йил якунига қадар уларнинг маблағларини масофадан бошқариш имконини берувчи "Халқ банки"нинг янги мобил иловаси ишлаб чиқилади.

АХБОРОТ ХИЗМАТЛАРИНИНГ ЁЗИШИЧА...

Иштихон тумани Бешбола маҳалласида 20 гектар майдонда "Яшил макон" лойиҳаси доирасида боғ ташкил этилмоқда.

Ургут туманидаги Бешёғоч, Мўғол, Қуйиқишлоқ, Ипакли, Юқори Тегана маҳаллаларида ижтимоий дафтларга киритилган, ишсиз 100 нафарга яқин фуқароларга субсидия асосида 120 килограмдан картошка уруғи берилди.

Паст Даргом туманидаги 19 та маҳаллада вилоят соғлиқни сақлаш бошқармасининг 390 нафар малакали мутахассислари аҳолини тиббий кўриқдан ўтказди.

Самарқанд шаҳридаги "Олтин Аср" ва "Нодирабегим" маҳалла фуқаролар йиғинларининг давлат-хусусий шериклик асосида қурилган замонавий бинолари фойдаланишга топширилди.



Мажбурий ижро бюроси вилоят бошқармаси бошлиғи ўринбосари Фозил ФАЙЗИЕВ:

– Жорий йилнинг дастлабки уч ойида алимент тўловчи қарздорлардан 21 миллиард сўмдан ортиқ алимент пуллари ундирилиши таъминланди. Мутасадди идоралар билан ҳамкорликда олиб борилган профилактик суҳбатлар натижасида 1961 оила яраштирилди.

Маҳаллий ҳокимликлар, сектор раҳбарлари, бандлик ва бошқа мутасадди идоралар билан ҳамкорликда 640 нафар ишсиз алимент тўловчи ишга жойлаштирилди.

Ҳозирда вояга етмаганларнинг алимент пуллари ҳисоблаш ва тўлаш устида автоматлаштирилган назорат тизими йўлга қўйилган. Алиментларнинг ойма-ой, сўзсиз тўлаб борилишини онлайн назорат қилиш имконияти яратилди.

226 нафар қарздорларга нисбатан олиб борилган қидирув тадбирлари натижасида 154 нафари топилган. Алимент тўловларини тўлашдан мунтазам равишда бўйин товлаб келган 267 нафар қарздор маъмурий, 35 нафари жиноий жавобгарликка тортилди.

➤ Мигрантларга ёрдам

365 нафар меҳнат муҳожирини олиб келиш чораси кўриляпти

4 апрель куни Ташқи меҳнат миграцияси агентлигининг Москва шаҳридаги ваколатхонаси ходимлари ва вилоят ҳокимининг биринчи ўринбосари иштирокида Россия Федерациясидаги "СУ-10", "Монотек" компанияларида вақтинчалик меҳнат фаолиятини амалга ошираётган меҳнат мигрантлари билан онлайн мулоқот ташкил этилди.

Мулоқотда юртдошларимизнинг яшаш ва иш шaroитлари, кредит, тегишли гувоҳномалар олган ҳолда малака ошириш имкониятлари сингари долзарб масалалар муҳокама қилинди.

Бугунги кунда яна бир жиҳатни эътиборга олиш муҳим. Яъни, меҳнат муҳожирларнинг қарамоғида бўлган шахсларнинг ижтимоий ҳимояси, уларни қўллаб-қувватлаш назарда тутилган. Бу бўйича 1 март куни Президентимиз томонидан "Хорижда вақтинча меҳнат фаолиятини амалга ошираётган Ўзбекистон Республикаси фуқароларини ва уларнинг оила аъзоларини қўллаб-қувватлаш бўйича қўшимча чора-тадбирлар тўғрисида"ги қарор имзоланди. Унга кўра, 2022 йил 1 июндан Россия Федерацияси, Туркия ҳамда Қозоғистоннинг тегишли ҳудудларида Бандлик ва меҳнат муносабатлари вазирлиги ҳузурдаги Ташқи меҳнат миграцияси агентлигининг вакиллик институти жорий қилинади.



Ушбу қарор билан 2022 йил 1 майдан боқувчиси хорижда ишлашга кетган ва "Ижтимоий ҳимоя ягона реестри" рўйхатида турган, ҳоким ёрдамчиларининг ёзма тавсияномасига асосан фуқароларга ҳар йили 540 минг сўмдан бир марталик ёрдам берилади. Ногиронлиги бўлган оила аъзоларига дори-дармон, ногиронлик араваси, эшитиш аппарати ва ортопедик маҳсулотлар харид қилиш учун 1,3 миллион сўмдан ёрдам кўрсатилади. Қолаверса, "дафтар"лардан бирига киритилган ва ташкил-

лаштирилган меҳнат миграцияси билан ишлашга кетганларга 10 миллион сўмгача микроқарз тақдим этилади.

Бугунги кунда ҳоким ёрдамчилари ва профилактика инспекторлари томонидан хорижда бўлган 160 мингга яқин самарқандлик меҳнат муҳожирининг тўлиқ рўйхати шакллантирилди. Уларнинг оила аъзолари билан суҳбатлар ўтказилиб, шароити, муаммолари ўрганилди.

Хусусан, уларнинг 340 нафари ҳужжатларида муаммоси борлиги, 332 нафари ишсиз қолгани ва иш ҳақи ололмаётгани, 424 нафарининг доимий яшаш жойи йўқлиги, 365 нафари эса маблағи етарли эмаслиги сабабли йўртимизга қайтолмаяпти. Маблағи йўқлиги боис қайта олмаётган фуқароларни "дафтар"лардан бирига киритиб, олиб келиш чоралари кўриляпти.

Вазирлар Маҳкамасининг топшириғига мувофиқ, жорий йилнинг 5 апрель куни вилоят ҳокимининг биринчи ўринбосари раҳбарлигидаги гуруҳ Россия Федерациясининг Санкт-Петербург ҳамда Екатеринбург шаҳарларига жўнаб кетди. Ҳозирда хорижда вақтинча меҳнат қилаётган фуқаролар билан учрашувлар ташкил қилиниб, муаммолари ҳал этиляпти.

Элбек ҚЎҚОНОВ,
Ташқи меҳнат миграцияси агентлиги вилоят филиали етакчи мутахассиси.

